

ՄԱՇՏՈՅՅԱՆ ՕՐԵՐԸ ՀԱՅԱՍՏԱՆՈՒՄ

Ավելի քան երկու ամիս տեւց չայ գրերի ստեղծող և զպրութեան հանձարեղ հիմնադիր Մեսրոպ Մաշտոցի ծննդյան 1600-ամյակի համաժողովրդական տոնակատարութիւնը Հայաստանում: Հորեկանական իրադարձութիւնները կարևորագույն տեղ կզբաղեն չայ մշակույթի պատմութեան մէջ: Մաշտոցին նվիրված հորեկանական ժողովներ տեղի ունեցան Մոսկվայում, ինչպէս և ՍՍՏԽ եղբայրական ուսպոլիկանների մայրաքաղաքներում:

Մեսրոպ Մաշտոցի ծննդյան 1600-ամյակի տոնակատարութիւնը անցյալի կուլտուրական հարուստ ժառանգութեան նկատմամբ լինիւնյան աղօղային քաղաքականութեան կենսագործման վաղ գրսնորումն է: Այդ համաժողովրդական խանդավառութիւնը հանդիսացավ մեծահանձար Մաշտոցի նկատմամբ ժողովրդի անհուն սիրո, խոր հիացմունքի և անսահման երախտադրութեան արտահայտութիւնը:

Մեծ հաջողությամբ անցան Մեսրոպ Մաշտոցի 1600-ամյակին նվիրված հորեկանական գիտական նստաշրջանները Հայկական ՍՍՏ Գիտութիւնների ակադեմիայում, Պետական համալսարանում, Մատենադարանում, Մ. Աբեղյանի անվան դրականութեան ինստիտուտում, Աբովյանի անվան մանկավարժական ինստիտուտում: Դրանք մեծապէս օգնեցին բազմակողմանիորեն հետազոտելու և լուսարանելու Մեսրոպ Մաշտոցի կյանքն ու գործունեութիւնը, նրա հանձարեղ հայտնագործութեան մեծագույն նշանակութիւնը չայ ժողովրդի ճակատագրի և նրա մշակույթի զարգացման համար:

Հայկական ՍՍՏ Գիտութիւնների ակադեմիայի անդիսավոր ժողովը բացեց ակադեմիայի պրեզիդենտ Վիկտոր Համբարձումյանը: Նրա հակիրճ խոսքը լսվեց խորին ուշադրությամբ:

«Այսօր մեր ժողովուրդը,—ասաց նա,— տունում է չայ մեծագույն մտածող, իր հանձարեղ զավակի, չայ գրի ու զպրութեան հիմնադիր Մեսրոպ Մաշտոցի ծննդյան 1600-ամյակը: Մեր մշակույթի պատմութիւնն տվել է բազմաթիվ կարեւոր ուղիներ, սակայն բոլոր այդ գործիչներից չայ ժողովուրդը ամենից շատ պարտա-

կան է Տարոնի դավառի Հացեկաց գյուղի զեղջուր Վարդանի որդի Մաշտոցին: Այն աշխատանքը, այն շարժարանները, որ, ինչպէս ասում է ավանդութիւնը, կրել է նա իր մեծ գյուտի համար՝ հիւրավոր տիտանական էն: Նրա գյուտը հսկայական դեր խաղաց մեր ժողովրդի միասնութեան, ազգային ինքնությունութեան պահպանման համար:

Այս տարի լրանում է նաև չայերեն առաջին գրքի տպագրութեան 450-ամյակը: Մենք շատ և շատ երջանիկ ենք, որ չայ ժողովուրդը մեծ շուքով տոնում է Մաշտոցի ծննդյան 1600-ամյակը: Այդ տոնը նշում են Սովետական Միութեան բոլոր ժողովուրդները, ամբողջ սովետական երկիրը»:

Այնուհետև «Մեսրոպ Մաշտոցը՝ չայց գրերի և զպրութեան ստեղծող» թեմայով զեկուցում կարդաց ՀՍՍՏ ԳԱ ակադեմիկոս Ա. Ղաւրիյանը: ՀՍՍՏ ԳԱ թղթակից-անդամ Ս. Նրեմյանի զեկուցումը նվիրված էր «Մեսրոպ Մաշտոցը և նրա ժամանակը» թեմային: Բանասիրական գիտութիւնների ղեկավար Ս. Տեր-Մինասյանը զեկուցեց չայ գրերի գյուտի թվականի և այլ հարակից խնդիրների մասին:

Հորեկանական հանդիսավոր ժողովի երկրորդ նիստում մաշտոցյան գրերի պատմական նշանակութեան մասին զեկուցումով հանդես եկավ ՀՍՍՏ ԳԱ ակադեմիկոս Ա. Հովհաննիսյանը. չայց գրերի հնագույն տեսակների մասին՝ պատմական գիտութիւնների ղեկավար Վ. Ղաֆալայանը: Բանասիրական գիտութիւնների թեկնածու Ա. Ղանալանյանի զեկուցումը նվիրված էր «Մեսրոպ Մաշտոցը չայ ժողովրդական բանահյուսութեան մէջ» հարցին: Հայկական ՍՍՏ ԳԱ հորեկանական հանդիսավոր ժողովի նիստերին մասնակցում էին նաև սփյուռքահայ գրողներ ու գիտնականներ:

Երեւանի Պետական համալսարանի հորեկանական գիտական սեփան ներածական խոսքով բացեց համալսարանի ղեկավար, Հայկ. ՍՍՏ ԳԱ ակադեմիկոս Ն. Հարությունյանը: Համալսարանի պրոֆեսոր, ղեկավար Վ. Նալբանդյանը զեկուցեց Մաշտոցի կյանքի ու գործունեութեան մասին:

Այնուհետև ողջույնի ջերմ խոսքերով հանդես եկան հունդարացի ասպիրանտ Պ. Սալմաշին և լեհ ուսանող Ա. Պիսովիչը: Ապա լսվեց զոցենտ Հ. Փամկոչյանի՝ «Մեսրոպ Մաշտոցի ժամանակաշրջանը» թեմայով զեկուցումը: Մեսրոպյան աշխատանքի և ուղղադրության մասին զեկուցեց պրոֆ. էդ. Առայանը: Մեսրոպ Մաշտոցի աշխատանքների բնութագրությանն էր նվիրված փիլիսոփայական գիտությունների դոկտոր Հ. Գաբրիելյանի զեկուցումը: «Հայ գրերի ստեղծման թվականը» թեմայով զեկուցում կարդաց պրոֆ. Ա. Արաբաբյանը: Մեսրոպի հաջորդ նիստում պրոֆ. Մ. Մկրչյանը հանդես եկավ «Հայ պատմագրությունը հինգերորդ դարում» զեկուցումով: «Մեսրոպյան գրերը, նրանց աղբյուրները և կառուցվածքի սկզբունքները» թեմայով զեկուցում կարդաց պրոֆ. Ե. Սևակը: Մեսրոպ Մաշտոցը հայագիր դպրոցի հիմնադիրն է՝ արցի մասին խոսեց պրոֆ. Ա. Մովսիսյանը, պրոֆ. Ե. Պետրոսյանի զեկուցումը նվիրված էր թվագրության հայկական սխառման: Գոցենտ էմ. Պիվազյանի՝ «Նախամեսրոպյան գրի և գրականության հարցի շուրջը» զեկուցումով ավարտվեցին հորեկյանական գիտական նստաշրջանի աշխատանքները:

Հայկական ՍՍՌ Մինիստրների Սովետին առթևեր Հին ձեռագրերի գիտա-հետազոտական ինստիտուտ Մատենադարանի հորեկյանական գիտական նստաշրջանը բացվեց Մատենադարանի գիրակտոր Լ. Խաչիկյանի ներածական խոսքով: Այնուհետև պրոֆ. Կ. Մելիք-Ռեանյանը բնութագրեց «Վարք Մաշտոցի» աշխատության ժանրային յուրահատկությունները: Բանասիրական գիտությունների թեկնածու Ա. Սաբուխչյանը խոսեց Մաշտոցի մանկավարժական ու հասարակական գործունեության մասին: Ապա հանդես եկավ փիլիսոփայական գիտությունների թեկնածու Ս. Արևշատյանը՝ «Գրերի գյուտը և հայկական հին թարգմանությունները» թեմայով: Սեսիայի հաջորդ նիստում հետաքրքրական զեկուցումներ տվեցին Փ. Անրաբյանը, Հ. Փափագյանը, Վ. Գեղորյանը, լեհ ուսանող Ա. Պիսովիչը, Լ. Խաչերյանը և Ա. Քյոշկերյանը: Մայիսի 25-ի եզրափակիչ նիստում բանասիրական գիտությունների թեկնածու Ա. Վանայանյանը զեկուցեց այն մասին, թե ինչու Մաշտոցը առաջին հերթին թարգմանեց Սողոմոնի առակները: Պատմական գիտությունների դոկտոր Լ. Խաչիկյանի զեկուցումը նվիրված էր նախամեսրոպյան գրերի հարցին: Վերջին երկու զեկուցումները նվիրված էին Մաշտոցի բանաստեղծությունների մեկնությանը (զեկուցող՝ բանասիրական գիտ. թեկնածու Ա. Մնացականյան), հայ հոգևոր երգարվեստին նրա մատուցած ծառայություններին (զեկուցող՝ արվեստագիտության թեկնածու Ն. Թահմիզյան):

Նստաշրջանի մասնակիցները հետաքրքրությամբ ծանոթացան հորեկյանական ցուցահանդեսի մատենագրական հարուստ նյութերին:

Հորեկյանական գիտական նստաշրջաններ տեղի ունեցան նաև Մ. Արեղյանի անվան գրականության ինստիտուտում, և՛ Արովյանի անվան մանկավարժական ինստիտուտում և այլ գիտական հաստատություններում:

Հայ ժողովրդի կուլտուրայի մեծ տոնին էր նվիրված մայիսի 27-ին Մոսկվայի Միությունների տան սյունադարձ դահլիճում կայացած հանդիսավոր երեկոն: Մեսրոպ Մաշտոցի ծննդյան 1600-ամյակին նվիրված հորեկյանական ժողովրդացեց ՍՍՌ Գրողների միության քարտուղար Վ. Կոմենիկովը: Մաշտոցի կյանքի ու գործունեության մասին զեկուցումով հանդես եկավ սովետական ակադեմիկոս պրոֆ. Հայկ. ՍՍՌ ԳԱ թղթակից-անդամ Մ. Շահինյանը: Մեսրոպ Մաշտոցի մեծագործության ինտերնացիոնալ նշանակության մասին խոսեցին գրողներ Ն. Ջաբլյանը, Մ. Բաժանը, Ս. Կապուտիկյանը, Ա. Լուսյանը, Մ. Ռահիմը: Վ. Ջվյազիցեյանը կարդաց Վ. Նորենցի՝ Մաշտոցին նվիրված բանաստեղծության իր թարգմանությունը:

Մայիսի 26-ին իրիկնադամին հաղարավոր երեանցիներ էին հավաքվել Մաշտոցի անվան Մատենադարանի հրապարակում՝ Մաշտոցի արձանի բացմանը նվիրված միտինգի: Միտինգը բացեց իրանի քաղաքային սովետի նախագահ Ս. Վարդանյանը: Ապա ձայնը տրվում է սովետահայ նշանավոր վիպասան Սո. Ջուրանին: Այնուհետև հանդես են գալիս ՍՍՌ Գերագույն Սովետի ղեկավար Ս. Պետրոսյանը, դպրոցի գիրակտոր Գ. Թովմասյանը, իրանահայ անվանի բանաստեղծ Վահե Վանյանը, Մաշտոցի անվան Մատենադարանի գիրակտոր Լ. Խաչիկյանը, աշակերտուհի Ա. Պարսամյանը:

Մեծ խանդավառության մթնոլորտում անցավ Մեսրոպ Մաշտոցի ծննդյան 1600-ամյակին նվիրված հորեկյանական ուսուցիչական հանդիսավոր նիստը, որը տեղի ունեցավ մայիսի 27-ին, Ալ. Սպենդիարյանի անվան Լենինի շքանշանակիր օպերայի և բալետի պետական թատրոնում: Բացելով հանդիսավոր նիստը, հորեկյանական կառավարական հանձնաժողովի նախագահ, Հայկական ՍՍՌ Մինիստրների Սովետի նախագահ Ա. Քոչինյանը ասաց. «Հարգելի ընկերներ՝, թանկագին հյուրեր՝ և բարեկամներ՝:

Այս օրերին Հայաստանի աշխատավորները Սովետական մեծ Միության բոլոր ժողովուրդների հետ, խորին երախտագիտությամբ ու մեծ հանդիսավորությամբ տոնում են հայ գրերի ստեղծող և հայ դպրության հիմնադիր, մեծ գիտնական ու հայրենասեր Մեսրոպ Մաշտոցի ծննդյան 1600-ամյակը:

Մեր ժողովուրդը դարերի ընթացքում շատ պորթոնություններ է կրել, թշնամու արյունոտ յաթաղանք շատ անգամ ծանրացել է նրա վրա, բայց նա երբեք չի ընկճվել: Անցնելով պատմության ծանր, հերոսական քառուղիներով, կյանքի մեծ փորձով և հոգևոր հարուստ դանձրով նա կանգնեց մեր դարի շեմքին:

Հոկտեմբերյան Մեծ ուղեւորության շնորհիվ հայ ժողովուրդը մտավ սոցիալիստական ազգերի հոգի բանակի մեջ իբրև նրա իրավահավասար մի ջոկատ:

Սովետական իշխանությունն էր, որ մեսրոպատազ դրականությունը դարձրեց ողջ ժողովրդի սեփականություն և մայրենի այրենարանը բացեց ամեն մի հայ մանուկի առաջ: Օտարների կողմից հալածված հայոց լեզուն լենինյան ազգային քաղաքականության շնորհիվ դարձավ պետական լեզու և այժմ ապրում է իր ծաղկման իսկական ոսկեդարը:

Սովետական իշխանության տարիներին հայերեն լեզվով մեր ուսուցիչական գրքեր և լույս է տեսել շատ ավելի դիրք, քան անցած 1500 տարիների ընթացքում: Հայ աշխատավորը մայրենի լեզվով հին, նոր և նորագույն հեղինակների երկերի հետ միասին կարդում է համաշխարհային գրականության և գիտության դասական գործերը, հաղորդակից դառնում մարդկության առաջավոր մաքին ու մշակույթին:

Տոնելով հայ դրերի և գրականության հիմնադիր Մեսրոպ Մաշտոցի ծննդյան 1600-ամյակը, հայ ժողովուրդն այսօր երախտադիտության սրտաբուխ խոսք է ուղղում Սովետական Միության Կոմունիստական պարտիայի լենինյան Կենտրոնական Կոմիտեին՝ բացառիկ այն պայմանների համար, որ ստեղծվել են բոլոր ժողովուրդների ազգային կուլտուրաների աննախընթաց ծաղկման և բարգավաճման համար:

Այնուհետև և՛ Քոչինյանը ներկաների բուռն ծափահարությունների ներքո ջերմորեն ողջունում է թանկագին հյուրերին՝ միութենական ուսուցիչականներից ժամանած պատվիրակներին, ինչպես նաև սփյուռքահայության ներկայացուցիչներին: Ապա նա գեկուցման համար խոսքը

տալիս է ակադեմիկոս Վ. Հ. Համբարձումյանին: (Գլխավորելու է Վ. Հ. Համբարձումյանի գեկուցումը տպագրվում է «Պատմա-բանասիրական հանդեսի» այս համարում):

Ողջույնի խոսքով հանդես են գալիս Ուկրաինայի Գիտությունների ակադեմիայի Լեզվի ինստիտուտի գիտնական տեղակալ Վ. Ցելույկոն, Բելոռուսիայի ԳԱ Արվեստի և Լեռնոգրաֆիայի ինստիտուտի գիտնական Պ. Կլեյկոն, Ուզբեկստանի ԳԱ Լեզվի և գրականության ինստիտուտի սեկտորի վարիչ Բ. Աբդուրահմանովը, Վրաստանի ԳԱ ակադեմիկոս Ա. Շանիաշվիլը, Ադրբեջանի ԳԱ թղթակից-անդամ Մ. Շիրալինը, Լիտվայի ԳԱ թղթակից-անդամ, դոկտ. Վ. Վենցլովան, Մոլդովայի ԳԱ թղթակից-անդամ, Պատմության ինստիտուտի գիտնական Ս. Ռուսսեր, Լատվիայի ԳԱ թղթակից-անդամ է. Սվիմայու-Սոկոլը, Կիրգիզիայի ԳԱ աշխատակից Ա. Թուրսունովը, Թուրքմենիայի ԳԱ թղթակից-անդամ Զ. Մուխամեդովան, Էստոնիայի ԳԱ Պատմության ինստիտուտի գիտնական Վ. Մամալադը, իրանահայ աշխատակից Վ. Գաբրիելյանը, ամերիկահայ բիրթիմիկոս, պրոֆեսոր Մանասե Սեալը, սփյուռքահայ հայտնի դոկտ. Վառն Հայկը:

Հանդիսավոր նիստի վերջում Հայկ. ՍՍՄ Գիտությունների ակադեմիայի վիցե-պրեզիդենտ Ա. Հովհաննիսյանը հրապարակում է հորեկանական հանձնաժողովի անունով Սովետական Միության տարերք վայրերից, գիտական հաստատություններից և գիտության ու գրականության ականավոր գործիչներից ստացված ողջույնի մի շարք հեռագրեր:

Մաշտոցի հորեկանի առթիվ մայիսի 27-ին Օշականում տեղի ունեցավ հայ դպրության հուշարձանի հանդիսավոր բացումը:

Մայիսի 28-ին կառավարական հորեկանական հանձնաժողովը Մեսրոպ Մաշտոցի ծննդյան 1600-ամյակի կապակցությամբ ընդունելություն կազմակերպեց: Ընդունելությանը ներկա էին նաև հղբարական ուսուցիչականների պատվիրակները, սփյուռքահայ աշխատավորության ներկայացուցիչները:

Գ. ԿԻՐԱԿՈՍՅԱՆ

ԱՆՈՒՄՆԵՐԻՆ ԱՊԵՏՈՐ ՀԱՄԲԱՐԶՈՒՄՅԱՆԸ ԻՌԻՄԵՆԻԱՅԻՄ

Թուրքիական ժողովրդական Մեսրոպիկայի Գիտությունների ակադեմիայի հրավերով Հայկական ՍՍՄ Գիտությունների ակադեմիայի պրեզիդենտ, Միջազգային աստղագիտական միության պրեզիդենտ ակադեմիկոս Վիկտոր Համբարձումյանը 1962 թ. հունիսի 6-ից մինչև 20-ը եղավ Թուրքիայում: Տեղի ունեցան մի

շարք հանդիպումներ, դրույցներ, այցելություններ, գեկուցումներ ժամանակակից աստղագիտության պրոբլեմների շուրջը: Ակադեմիկոս Համբարձումյանը ծանոթացավ ուսմանական մի շարք գիտական գործունեության հաստատությունների աշխատանքներին, եղավ «Մամայա» հայտնի առողջարանում և Վ. Բ. Լենինի

անվան ջրաէլեկտրակայանում, Կլուժ քաղաքում, ՌԺԲ-ի Գիտությունների ակադեմիայի տեղական բաժանմունքի և Կլուժի համալսարանի դահլիճում դասախոսություն կարդաց Սեծ տիեզերքը՝ թեմայով՝ Այնուհետև նա հրապարակային դասախոսությամբ հանդես եկավ Բուխարեստի Աթենեում դահլիճում։ Դասախոսություններ կան էին Ռումինիայի ԳԱ ակադեմիկոսներ, թղթակից-անդամներ, պրոֆեսորներ և բաղմամբիվ այլ ունկնդիրներ։ Իր բացման խոսքում Բուխարեստի աստղադիտարանի դիրեկտոր, ակադեմիկոս Կ. Գիմիտրեսկուն ընդգծեց Վ. Հ. Համարձումյանի՝ աստղագիտության և աստրոֆիզիկայի բնագավառին վերաբերող աշխատությունների գիտական բացուրիկ արժեքը։ Դասախոսությունը լսվեց մեծ հետաքրքրությամբ։

Ակադեմիկոս Վ. Հ. Համարձումյանը այցելեց Ռումինական ժողովրդական Ռեսպուբլիկայի Գիտությունների ակադեմիայի նախագահության, ուր տեղի ունեցավ հանդիպում Ակադեմիայի պրեզիդենտ, ակադեմիկոս Ս. Ժոժայի, ակադեմիայի նախագահության անդամների և ակադեմիկոսների հետ։ Գիտությունների ակադեմիայի նիստերի դահլիճում Վ. Հ. Համարձումյանը հանդես եկավ «Արտագալակտիկ աստղագիտության հարցերը» զեկուցումով, որը լսվեց մեծ ուշադրությամբ։

Հունիսի 19-ին Վ. Հ. Համարձումյանը այցելեց «Նոր կյանք» հայկական թերթի խմբագրություն։ Թերթի խմբագրության աշխատակիցները և այնտեղ հավաքված Ռումինիայի մայ-

րաքաղաքի հայ մտավորականությունը թանկագին հյուրին ընդունեցին ջերմորեն։ Տեղի ունեցավ մտերմական, սիրալիր դրույց, որի ընթացքում Վ. Հ. Համարձումյանը մի շարք տեղեկություններ տվեց Բյուրականի աստղադիտարանում ներկայումս կատարվող աշխատանքների վերաբերյալ և իր ուրախությունը հայտնեց այն կապակցությամբ, որ տեղի հայ բնակչությունը եռանդագին մասնակցություն է ցուցաբերում Ռումինական ժողովրդական Ռեսպուբլիկայի աննախընթաց վերելքին և սոցիալիզմի կառուցմանը։ «Նոր կյանք» թերթի խմբագրություն կատարած այցելությունից հետո Համարձումյանը եղավ Ստեփան Շահումյանի անվան հայկական մշակույթի տանը։

Հունիսի 20-ին Վ. Հ. Համարձումյանը հրաժեշտ տվեց Բուխարեստին։ Օդանավակայանում ականավոր գիտնականին ճանապարհելու էին եկել ՌԺԲ-ի ԳԱ փոխնախագահ Ի. Գեորգիուն, ակադեմիկոսներ Վ. Մալինսկին, Խ. Հոլուբեյր, Բուխարեստի աստղադիտարանի դիրեկտոր, ակադեմիկոս Գիմիտրեսկուն, գիտնականներ, մամուլի ներկայացուցիչներ։ Ներկա էր նաև Սովետական Միության դեսպանատան առաջին բարտուղար Բ. Զվոնկովը։

Ակադեմիկոս Վ. Հ. Համարձումյանի այցելությունը և նրա կարդացած դասախոսությունները լայն արձագանք գտան տեղական մամուլում մասնավորապես «Սկիտեյ» և հայկական «Նոր կյանք» թերթերում։

Հ. ԳԱՐԵԳԻՆՅԱՆ

ՀՈՐԵԼՅԱՆԱԿԱՆ ՏԱՐԵԳԱՐՉՆԵՐ

1962 թ. հուլիսի 7-ին լրացավ սովետական ականավոր գիտնական, հուշակավոր ֆիզիոլոգ Լևոն Արզարի Օրբելու ծննդյան 80-ամյակը։

Դեռևս Պետերբուրգի ռազմա-բժշկական ակադեմիայում ուսանելու տարիներին արտակարգ ընդունակությունների շնորհիվ ապագա գիտնականը արժանանում է իր մեծ ուսուցչի՝ Ի. Պ. Պավլովի ջերմ ուշադրությանը։ Աշխատելով ռուս անճարեղ ֆիզիոլոգի ղեկավարած լաբորատորիաներում, նա հարստացնում և խորացնում է իր գիտելիքները, ձեռք բերում գիտական մեծ իրոք։

Սկսած 1913 թվականից Լ. Օրբելին ղեկավարում է մի շարք գիտական հաստատություններ, ատարելով բեղմնավոր գիտահետազոտական աշխատանք՝ ֆիզիոլոգիայի տարրեր բնագավառներում։ Առանձնահատուկ նշանակություն

ունեն սիմպատիկ նյարդային համակարգության ֆունկցիաների վերաբերյալ Լ. Օրբելու ուսումնասիրությունները, որոնց մեջ ականավոր գիտնականի առաջ քաշած նոր տեսությունը խոշոր ներդրում էր համաշխարհային գիտության զանազանում և նոր ուղիներ էր բացում ֆիզիոլոգիայի հետագա զարգացման համար։ Ի. Պ. Պավլովն ընդգծել է, որ Օրբելու այդ նոր ուսմունքը բացահայտեց «սնուցիչ նյարդավորման հետ կապված պրեթե հարյուրամյա զաղտնիքը, որը պիտի ընդգրկի կենդանական աշխարհի ինչպես ֆիզիոլոգիական, այնպես էլ ախտաբանական երևույթների մի մեծ խումբ»։


Ակադեմիկոս Լ. Օրբելին ստեղծում է նոր տեսություն փոքր ուղեղի ֆունկցիաների մասին։ Ստանալով չափազանց հետաքրքիր տվյալներ, նա վարպետորեն դրանք սինթեզում է սիմպատի-

ազդեցությունների ուսումնասիրության ժամանակ բացահայտված փաստերի հետ. այսպես է ծագում մեծ գիտնականի պատկերացումը փոքր ուղեղի՝ որպես օրգանիզմի բոլոր հիմնական ռեֆլեկտոր աղեղների կարգավորչի ու կայունացնողի մասին:

Հռչակավոր գիտնականը խոշոր ավանդ է ներդրել նաև անալիզատորների ֆիզիոլոգիայի հարյուրի մշակման գործում: Իր աշխատակիցների հետ նա կատարել է մի շարք կարևոր հետազոտություններ ցավային զգայության, տեսողության ու լսողության ֆիզիոլոգիայի, օրգանիզմի աֆերենտ սխեմաների փոխհարաբերության առանձնահատկությունների ուսումնասիրության ուղղությամբ, տվել է հաջորդական պատկերների մեթոդի տեսական հիմնավորումը, փայլուն հաջողությամբ լուծել բազմաթիվ գիտական կարևորագույն պրոբլեմներ:

Ակադեմիկոս Ի. Պ. Պավլովի մահից հետո (1936) Լ. Օրբելին ձևականորեն է լինում իր մեծ ուսուցչի գիտական վիթխարի ժառանգության հետագա մշակման ու զարգացման պատվավոր և պատասխանատու գործին: Գլխավորելով պավլովյան խոշորագույն կոլեկտիվները՝ ՍՍՌՄ Գիտությունների ակադեմիայի Ֆիզիոլոգիայի ինստիտուտը և Կոլտուշի բիոլոգիական կայանը (հետագայում՝ Բարձրագույն նյարդային գործունեության, էվոլյուցիոն ֆիզիոլոգիայի և պաթոլոգիայի ինստիտուտ), Լ. Օրբելին իր նվիրված ու եռանդուն աշխատանքով ապահովում է չայրենական ֆիզիոլոգիայի բազմակողմանի զարգացումը, ամրապնդում այդ ինստիտուտների համբավը՝ որպես ֆիզիոլոգիական մտքի համաշխարհային կենտրոնների: Լ. Օրբելու հետազոտությունները հսկայական նշանակություն են

ունեցել բժշկադիտության բազմաթիվ պրակտիկ պրոբլեմների լուծման համար:



Լ. Օրբելին Սոցիալիստական Աշխատանքի Հերոս էր, բժշկական ծառայությունների ղեկավար, գնդապետ: Նա ընտրվել է արտասահմանյան մի շարք երկրների գիտությունների ակադեմիաների և գիտական ընկերությունների պատվավոր անդամ: Հ. Օրբելին Հայկական ՍՍՌ ԳԱ կազմավորման առաջին իսկ օրից նրա ակադեմիկոսն էր:

Աշխարհահռչակ գիտնականի բեղմնավոր գործունեությունը Հայրենիքին և գիտությանը անձնվեր ծառայելու փայլուն օրինակ է:

* *

Ըրացավ Հայկական ՍՍՌ ԳԱ ակադեմիկոս, գիտության վաստակավոր գործիչ Գեղամ Խաչատուրի Աղաջանյանի ծննդյան 70 տարին:

Մեր ռեսպուբլիկայի գյուղատնտեսության աշխատողները լավ են ճանաչում անվանի գիտնականին, որն իր բոլոր ուժերն ու եռանդը նվիրել է Հայաստանի գյուղատնտեսության զարգացման, երիտասարդ մասնագետ կադրեր պատրաստելու գործին:

Գ. Աղաջանյանը ծնվել է 1891 թ. Սուրմալուի գավառի Բլուր գյուղում: 1913 թ. ավարտելով Երևանի ուսուցչական սեմինարիան, նա երկար տարիներ մանկավարժական աշխատանք է կատարում Անդրկովկասի դպրոցներում:

Հայաստանում Սովետական իշխանության հաստատումից հետո նոր հեռանկարներ են բացվում ապագա գիտնականի առջև: 1926 թ. նա ավարտում է Երևանի Պետական համալսարանի գյուղատնտեսական ֆակուլտետը՝ ստանալով ագրոնոմի մասնագիտություն: Շուտով Գ. Աղաջանյանն անցնում է գիտական-մանկավարժական աշխատանքի: 1930 թ. նա նշանակվում է նորաստեղծ Գյուղատնտեսական ինստիտուտի ընդհանուր երկրագործության ամբիոնի վարիչ և մինչև օրս էլ աշխատում է այդ պաշտոնում: Նա միաժամանակ մոտ տասը տարի (1941—1951 թթ.) եղել է ինստիտուտի դիրեկտորի տեղակալ՝ ուսումնական և գիտական գծով:



Պրոֆ. Բ. Առաքանյանի գրչին են պատկանում շուրջ 50 գիտական աշխատություններ, որոնք նվիրված են մոլախոտերի դեմ մղվող պայքարի. հացահատիկային կուլտուրաների, շաքարի ճակրեղի, կարտոֆիլի, բամբակենու մշակության

և դյուղատնտեսության ագրոտեխնիկայի բազմաթիվ խնդիրների լուսարանությանը: Պրոֆ. Գ. Առաքանյանը արժեքավոր ուսումնասիրություններ է կատարել նաև հողի ֆիզիկական հատկանիշների լավացման և նրա էֆեկտիվ բերրության բարձրացման ուղղությամբ, հետադոտել է Հայաստանի աղակալած և ճահճակալած հողերի յուրացման հարցերը:

Պրոֆ. Գ. Առաքանյանն իր բազմաթիվ արժեքավոր հետադոտություններով հարստացրել է ագրոնոմիական գիտությունը: Նրա աշխատանքներից շատերը ունեն գործնական նշանակություն՝ դյուղատնտեսության առջև ծառացած հրատապ խնդիրները լուծելու տեսակետից: Նա գրել է նաև մի շարք ուսումնական ձեռնարկներ:

Պրոֆ. Գ. Առաքանյանը պարգևատրվել է Հենինի երկու շքանշանով, «Պատվո նշան» շքանշանով և մեդալներով: Բազմաժանտակ գիտնականը այսօր էլ մեծ հոանով ու նվիրվածությամբ շարունակում է իր գիտական-մանկավարժական բեղմնավոր գործունեությունը:

Հ. ՄԱՆՈՒԿՅԱՆ

ԱՐՇԱԿ ԱԼՊՈՅԱՃՅԱՆ

1962 թ. հունիսի 25-ին, Կահիրե քաղաքում, 83 տարեկան հասակում վախճանվեց բազմավաստակ բանասեր, պատմաբան, հրապարակախոս, հասարակական-մշակութային գործիչ Արշակ Ալպոյաճյանը:

Դրական-հրապարակախոսական ասպարեզ մտնելով դարասկզբին, նա ավելի քան վեց տասնամյակ զբաղվել է հայ ժողովրդի պատմության հարցերի բազմակողմանի ուսումնասիրությամբ, հրատարակելով քսանից ավելի սովորածավալ գրքեր, հարյուրավոր հոդվածներ, որոնք փաստական հստակ տնյութ կտրող են տալ ոչ միայն հայ ժողովրդի պատմությանը զբաղվողներին, այլև նրա մշակութային կյանքի տարրեր բնագավառները (գրականություն, թատրոն, տնտեսություն, աշխարհագրություն և այլն) հետազոտողներին:

Ա. Ալպոյաճյանը ծնվել է Կ. Պոլսի Սկյուտար թաղամասում, 1879 թ. հունիսի 7-ին: Նախնական կրթությունն ստացել է Պերպերյան վարժարանում, ապա ուսումը շարունակել Վենետիկյան վարժարանում և ավարտել 1899 թ.:

1901 թ. «Բազմավեպում» տպագրվում է նրա «Արբուհի Տյուսար» աշխատությունը: Ալպոյաճյանը կարճ ժամանակում դառնում է «Մասիս», «Մազիկ», «Երուզանդին» և այլ պարբերականների եռանդուն աշխատակիցներից մեկը, իր ստորագրությամբ կամ ծածկանունով (Ա. Անդեղյա) տպագրելով պատմա-բանասիրական բնույթի ընդարձակ հոդվածներ:

Առաջին համաշխարհային պատերազմի տարիներին և հաջորդող հրեղամյակում Ալպոյաճյանը պաշտոնավարում է Կ. Պոլսի Ռսայան վարժարանում, որպես պատմության ուսուցիչ, միաժամանակ շարունակելով գրական-բանասիրական բեղուն գործունեությունը: 1919 թ. հրատարակում է «Անհետացած դեմքեր. Գրիգոր Զոհրապ» խորագրով աշխատությունը: Ընդհատվելով ոչ այնքան նպատակ է դրել տալ Զոհրապի զեղաշվեստական ստեղծագործությունների հանդամանակից վերլուծություններ, որքան գրողի մանրամասն կենսագրությունը, հասարակական մշակութային գործունեությունը, սակայն դրանով հանդերձ Ալպոյաճյանի գերբը Զոհրապի մասին գրված առաջին ծավալուն մենագրությունն է և շատ կողմերով ճանապարհ է հարթել հետագա հետազոտողների համար:

1923 թ. Ալպոյաճյանը մեկնում է Եգիպտոս, պաշտոնավարում Կահիրեի Գալուստյան ազգային վարժարանում որպես ուսուցիչ: Այդ պաշտոնում նա մնում է մինչև 1926 թ., երբ նշանակվում է Կահիրեի ազգային առաջնորդարանի ղեկավանապետ:



Այս տարիներից Այսպոյաճյանի գրիչը դառնում է ավելի ու ավելի բեղմնավոր: Օգտագործելով իր կուտակած վիթխարի նյութը, նա ձևոնարկում է պատմական Հայաստանի և Թուրքիայի մի շարք գավառների ու քաղաքների հայերի պատմության շարադրմանը: Այս տեսակետից ուշադրության արժանի է Կեսարիա քաղաքի ու նրա շրջակայքի հայերի մանրամասն պատմությունը, որ նա հրատարակեց Կահիրեում, 1937 թ. «Պատմություն հայ Կեսարիո» վերնագրով երկու ստվար հատորներով: Նույն բնույթի և գրեթե նույնպիսի ստվար աշխատություններ են «Պատմություն Եվդոկիո հայոց» (Կահիրե, 1952), «Հուշամատյան կուտինահայերու» (Բեյրութ, 1961) և «Պատմություն Մալաթիո հայոց» (Բեյրութ, 1961) գրքերը:

Ա. Այսպոյաճյանը խոշոր աշխատանք է կատարել հայ գաղթականության պատմության ուսումնասիրման գործում, գրելով ծավալուն մի աշխատություն, որի առաջին հատորը լույս տեսավ 1941 թ., Կահիրեում: Այն ընդգրկում է հայ գաղթականության պատմությունը սկզբից մինչև XI դարը և պարունակում է ուշագրավ տեղեկություններ պարսկական, բյուզանդական և արաբական տիրապետության շրջաններում Հայաստանից կատարված մասսայական գաղթի մասին: Աշխատության երկրորդ հատորը, որ լույս է տեսել 1955 թ. և ընդգրկում է XI դարից մինչև XV դարը, պատմում է սելջուկյան, մոնղոլական, թաթարական տիրապետությունների տարիների գաղթականության մասին: «Պատմություն հայ գաղթականության» գրքի երրորդ հատորի առաջին մասը լույս տեսավ անցյալ տարի. այն ընդգրկում է մոտ 5 դարի հայ գաղթականության պատմությունը:

Այսպոյաճյանին երկար տարիներ զբաղեցրել է նաև հայ ժողովրդի կրթական կյանքի պատմությունը: 1947 թ. Կահիրեում լույս է տեսել նրա «Պատմություն հայ դպրոցին» աշխատության առաջին հատորը:

Նա թողել է բազմաթիվ անտիպ աշխատություններ, որոնք իրենց քանակով և պատմագիտական արժեքով կարող են մրցել հրատարակվածների հետ: Այնպիսի կարևոր հետազոտություններ, ինչպիսիք են «Արմենակ Հայկունու կյանքը և գործը», «Բյուզանդ Քեչյան», «Վահան Թեքեյան» և այլ գրքեր, որոնք հարուստ ատաղձ կարող են տալ հայ մշակույթի, հատկապես լրագրության պատմության համար:

Երկար տարիներ ունենալով ջերմ ցանկություն՝ այցելել մայր Հայրենիք, Ա. Այսպոյաճյանը 1958 թ. եկավ Հայաստան, ծանոթացավ սովետահայ մշակույթի բոլոր ճյուղերին, եղավ գիտական, կրթական հիմնարկություններում, հանդիպումներ ունեցավ Հայկական ՍՍՌ Գիտությունների ակադեմիայի աշխատողների հետ, հայտնեց իր հիացմունքը վերածնված հայ ժողովրդի մշակույթի աննախընթաց վերելքի մասին: Նրա ցանկությունն էր կրկին այցելել Հայաստան, մասնակցել մաշտոցյան տոնակատարություններին, բայց նույն այն օրերին, երբ նրանում մեծ հանդիսավորությամբ նշվում էր պատմական այդ տարեթիվը, ծերունազարդ գիտնականը ապրում էր իր վերջին օրերը՝ երկարատև հիվանդությունից ջլատված ու քայքայված: Նա ֆիզիկապես հնարավորություն չունեցավ մասնակցելու Մաշտոցի ծննդյան 1600-ամյակի հանդեսներին, բայց հայ ժողովրդին համակած ցնծությունը հոգում՝ փակեց իր հոգնաբեկ աչքերը:

Գ. ՍՏԵՓԱՆՅԱՆ